

劉子薦死義 宋史

劉子薦廣西經畧司檄為參議官宋幼主德祐二年十一月北
兵至靜江權經畧使馬瑩遣子薦提僞兵藥弩守城東門
不支時幼主已入燕子薦取笏書其上云我頭可斷膝不可屈
登城北望再拜取所衣袍墜之語左右曰事急不可為吾有以
死守或諷子薦遁去子薦曰死事義也何以遁為竟死之

應龍與妻縊死 宋史

宋應龍者儒生通兵出入行陳三十餘年為諮議官寓泰州幼
主德祐二年六月甲寅大兵至泰州裨校孫貴胡惟葦尹端
李過春開門迎降應龍與其妻自縊於園中

張世傑溺海 宋史

張世傑為呂文德小校大軍至獨松關召文祥入衛以世傑

為保軍節度使幼主德祐中大軍迫臨安世傑請移三宮入
海而與天祥合兵背城一戰未幾兵至臯亭山世傑乃提兵入
定海石國英遣都統卡彪說之使降世傑以為彪來從已俱南
也推牛享之酒半彪從容為言世傑大怒斷其舌傑之巾子山
四月從二王入福州五月與宜中奉益王昀為主拜簽書樞密
院事王世強導大軍攻之世傑乃奉益王入海既而駿都遣人
招益王又遣經筵孫安甫說世傑世傑拘安甫軍中不遣招討
劉深攻淺灣世傑兵敗移王居井澳深復來攻井澳世傑戰却
之因徙硃洲元世祖至元十四年四月益王昀衛王昀立拜世
傑少傅樞密副使以硃洲不可居徙王新會之厓山八月發瓊
州粟以給軍或謂世傑曰北兵以舟師塞海口則我不能進退
曷先據海口幸而勝國之福也不勝猶可西走世傑怒久在海

上有離心動則必散乃曰頻年航海何時已乎今須與決勝負
悉焚行朝草市結大舶千餘作水砦為死守計人皆危之已而
張弘範兵至據海口樵汲道絕兵茹乾糧十餘日渴甚下搗海
水飲之海鹹飲即嘔泄兵大困世傑歷數古忠臣曰吾知降生
且富貴但為主死不後耳弘範等攻厓山世傑敗走乃斷維以
十餘艦奪港去後還兵厓山劉自立擊敗之降其將方遇龍等
四十餘人世傑復欲奉揚太妃求趙氏後而立之俄颶風壞舟
溺死

陸秀夫赴海 宋史

陸秀夫字君實度宗時稍長從其鄉二孟先生學孟之門徒恒
百餘獨指秀夫曰此非凡兒也後為禮部侍郎使軍前請和示
說而反幻主德祐中二王走温州秀夫與蘇劉義追從之使

書樞密院事宜中以秀夫久在兵間知軍務每事咨訪始
行秀夫亦悉心贊之無不自盡揚太妃垂簾與羣臣語猶自稱
奴每時節朝會秀夫屢正笏立如治朝或時在行中嗟然泣
下以朝衣拭淚衣盡泥左右無不悲慟者王以篤疾殂群臣皆
欲散去秀夫曰度宗皇帝一子尚在將焉置之古人有以一旅
一城中興者今百官有司皆具士卒數萬天若未欲絕宋此豈
不可為國邪乃與眾共立衛王時陳宜中往占城以與世傑不
協屢召不至乃以秀夫為左丞相與世傑共秉政時世傑駐兵
厓山秀夫外籌軍旅內調工役凡有所述作又盡出其手雖勿
濠流離中猶口書大學章句以勸講元世祖至元十六年二月
厓山破秀夫走衛王舟而世傑劉義各斷維去秀夫度不可脫

乃杖劍驅妻子入海即負王赴海死

陳文龍不食宋史

陳文龍字君賁能文章負氣節幼主時益王稱制于福州復以文龍參知政事漳州畔以文龍為閩廣宣撫使討之文龍以黃怪前守漳有恩信辟為參謀官按兵泉州使怪入招撫之怪至民皆頓首謝罪興化有石手軍不滿千大兵來攻不克文龍曰請君特畏死耳未知此生能不死乎乃使其將林華偵伺境上華即降且導兵至城執文龍與其家人至軍中欲降之不顧左右凌挫之文龍指其腹曰此皆節義文章也可相逼邪強之卒不屈乃械繫送杭州文龍去興化即不食至杭餓死

李成大父子死節宋史

李成大字實夫幼主德祐初知金壇縣北兵至與寄居官場大

用大本事與敵在巷戰不勝大同兄弟死之吏民披麻大恸之
後相州存謀復金壇事泄繫獄榜掠不屈遂殺其二子以懼之
終不屈天曰子為父死臣為君死卒殺之事聞贈朝散大夫直
秘閣謚忠節

陶居仁死節有異宋史

陶居仁太平之蕪湖人以行義聞州里幼主德祐間仕為鎮江
錄事參軍北兵攻鎮江守臣洪起畏遁統制官石祖忠舉城降
居仁見執抑使降居仁曰吾固知曆數窮而世運更也詎可失
忠義求苟生邪得以死報朝廷夫何憾竟不屈遂見殺大跡至
聞居仁死時語歎嘖之為棺斂使人護以還其家渚流數百里
不時頃至人皆異之鄉人為立祠

趙淮告揚勿降見殺宋史

趙淮告揚勿降見殺宋史

趙淮丞相葵之從子也李全之叛屢立戰功累官至淮東轉運使幼主德祐中成銀樹塢兵敗與其妾俱被執至瓜洲元帥阿木使淮招李庭芝許以大官淮陽許諾至揚城下乃大呼曰李庭芝男子死耳母降也元帥怒殺之棄屍江濱

徐道隆父子俱死 宋史

徐道隆字伯謙父煥知南雄道隆以任入官累官潭州判官權知全州荆湖制置使汪立信奏辟道隆為參議官立信遷兵部尚書道隆與賓客十許人俱去江陵趙孟博為制置使以道隆參其軍事遂為提點刑獄時文天祥既去平江潰卒四出為州西患苦安吉尤甚有旨令道隆措置乃集其首亂者于市牛監軍潘範文虎程鵬飛管景模俱遺書誘降道隆焚書斬使大兵至臨事舉亭山令間道入援時水陸皆有屯軍道絕不降

大... 王即日乘舟出臨湖門... 二年正月朔旦追兵及道隆江... 援軍三百人殊死戰矢盡槍槩折一軍盡沒道隆見執... 守者少怠赴水死長子載孫亦赴水死餘兵有脫歸者言於朝... 命贈官賜謚厚恤其家立廟安吉官其子孫越三日宋亡

張鏜求死 宋史

張鏜字聲甫右僕射魏公浚之後也幼主時益王立詔天下勤... 鏜起兵衡山移檄安化新化諸獠得民兵數千文天祥帥師... 鏜領相與接應既而兵敗被執行省參政崔斌欲降之鏜罵曰... 紹興至今百五十年天下乃我祖魏公所收拾撐拓者今日降... 而死何以見魏公地下鏜曰不必言降第存汝於此可乎鏜曰... 不降何以得存斌命述起兵本末鏜奮筆斥罵千百言斌怒殺

張世傑負宋主入海 宋史

張世傑幼主時為樞密副使元兵至挾二王航海益王顯祖又立衛王昺為主世傑以舟師破海中棊結巨艦千餘艘中艦外船貫以大索四周起樓棚如城堞居島其中大軍攻之艦堅不動又以舟載茅沃以膏脂乘風縱火焚之艦皆塗泥縛長木以拒火舟火不能焚二月戊寅朔世傑部將陳寶隆已卯都統陳德以夜襲大軍營亡失甚眾琴未有黑風出山西李恒乘早潮進攻其北世傑以淮兵殊死戰至午潮上張弘範攻其南南風吹散兵士皆疲不能戰俄有一舟檣旗仆諸舟之檣檣遂仆陳德知事去乃抽精兵入中軍諸軍潰程國秀及國傑皆降李恒甲降大軍至中軍會暮且風雨昏霧四塞咫尺不相辨世傑

王仙斷元 宋史
王仙蜀都統也幼主時守涪州北兵攻圍無虛日勢援孤絕宋亡之二年城始破仙自刎斷其元不殊以兩手自摘其首墜地亦自刎死

謝臯剖心 宋史
謝臯幼主時為鎮撫統制官李成陷虢州欲降之臯指腹示敵曰此吾赤心也自剖其心以死

林空齋就死 宋史
林空齋舉進士歷知縣解官家居益王立張世傑圍泉州乃率

解人黃必大劉全祖即其家開忠義局起義兵復永福縣時至積翁以福安送款世傑然實密約北兵兵至屠水福必大全祖

等走它邑穴王齋盛服坐堂上審指血書壁云生為忠義臣死為忠義鬼草間雖可活吾不忍為爾諸君何為者自古皆有死義見執不屈而死

蕭明哲罵敵而死 宋史

蕭明哲字元甫性剛有膽氣明大節少舉進士幼主時文天祥開府汀州辟充督幹架閣監軍師出嶺明哲以贛縣民義復安建結諸若拒守兵敗被執不屈死於隆興臨刑大罵不絕聞者壯之

劉沐父子死節 宋史

劉沐字淵伯廬陵人文天祥鄰曲也以相狎暱天祥好奕與沐對奕窮思忘日夜以為常幼主時天祥赴兵辟補宣武郎沐亦受命出使沐領兵還天祥歸開府南劉沐被執部

沐以府守將一軍為督府親衛會空坑兵敗被執
李昞日死焉仲子死亂兵李季子復從天祥死領南當時江
西忠義皆沐所號

陸秀夫負宋衛王入海 宋史

陸秀夫為宋衛王昞左丞相從王以舟師於海中戰不勝將士
劉俊等俱解甲降大軍至中軍會暑有風雨昏霧四塞餘舟奪港
而去秀夫走衛王舟王舟大且諸舟環結度不得出走乃負昞
海中後宮及諸臣多從死者七日浮尸出于海十餘萬人

王士敏題裾 宋史

王士敏者慷慨不撓幼主德祐末北軍至境被執題其裾云此
生無復物垂還一死都歸諫笑問大地盡為腥血汚好收吾骨
首陽山臨刑歎曰恨吾病不能大罵耳

劉士昭死國 宋史

劉士昭嘗為鍼工幼主德祐未北軍至境與鄉人同謀復太和縣敗血指書帛云生為宋民死為宋鬼赤心報國一死而已因以其帛自經死

徐應鑣父子投井 元史

徐應鑣宋幼主時為太學生至元十三年正月右丞相伯顏將兵至臨安幼主太后赴大都伯顏令董文炳唆都發宋隨朝士劉裒然及三學諸生赴京師太學生徐應鑣父子四人同井死

陳瓚城破巷戰而死 元史

陳瓚宋幼主時知興化軍元將元帥唆都攻其城瓚乞降

李伯溫刺心 元史

李伯溫仕太祖行平陽元帥府事鎮青龍堡軍士東征知平陽已陷弟守忠被執選驍勇臣以之命人盡斃來守守卒夜遁去李成開水門道守敵入伯溫從僕謂左右曰吾兄弟仗節擁麾受方面之寄今不幸失利當以死報國吾弟已波執我不可再辱汝等宜自地生士卒皆猶豫不忍去伯溫即拔劍投地屬授井中以刃植柱刺心而死金人登樓見伯溫執柱如生不嗟歎

攸哈刺拔都發陣 元史

攸哈刺拔都元太祖時鎮太原嘉禾人夜獻太原東門千金釋武仙引兵入哈刺拔都奪戰仙女大至諸將自城外呼曰攸哈

刺拔都汝當出哈刺拔都曰真定史天倪平陽李守忠隰州田
雄皆失守美我又棄太原將何面目見主上及國王乎家屬在
公等所俘哈刺拔都並與城同存亡遂歿于陣

耶律忒末死義 元史

耶律忒末契丹人父丑哥太祖時仕遼為都統遼亡不從歸
歸俱死焉金主憫其忠義授忒末都統明年金降將武仙復
真定史天澤潛師出其城忒末與其妻石抹氏及家孥在
者皆陷焉仙遣其僕劉攬兒持書誘忒末子夫祐曰汝
州官吏以降當活汝父母仍按汝元帥不爾盡烹之忒末
懼兒語天祐曰仙賊狡猶汝所知也母以我故墮其
且忠孝難兩全汝能固守不失國家大計我視刀
與天祐勸天承命馳下棄城以賊書示天澤天澤曰吾

忠誠許國功不在王陵下天祐

氏高邑栢鄉仙兵屢坐監軍張林密構仙黨啓闕納賊天祐

臺巷戰手殺數十人身被十餘鎗斬關出後收散卒圍城丁亥

賊棄城走追至彙城會天澤兵夾擊殺林

張鐵槍不辰 元史

金驍將張鐵槍太祖時大將木華黎擒之責其不降厲聲答曰
我受金朝厚恩二十餘年今事至此有死而已木華黎義之

解其縛諸將怒其不屈竟殺之

鄭義兄弟戰敵 元史

鄭義初事太宗佩金符山東路都元帥兼景州軍民人匠長官
從伐金歲壬辰與敵戰于歸德死之弟德溫襲從攻徐州陷

德溫襲從攻徐州陷

而死

李守正畏瘡

元史

李守正自幼時嘗質於木華黎太宗時移為平陽守活俘虜甚衆以功授銀青榮祿大夫河東南路兵馬都元帥歲庚寅上黨晉陽合兵攻汾州將陷守正以義赴援衆寡不敵別遣老弱百人以新揚塵多張旗幟敵懼遂解去汾人持牛酒迎犒者道不絕且泣謝曰幸公完是州德甚大願奉是州以從關中兵屯吉州酋領楊鉄槍以數千人叛守正出兵擒之軒成據隰州守正往擊之中矢傷足及歸瘡甚會命完顏合達攻平陽守正畏瘡斃

月里麻思憲被執不屈

元史

月里麻思憲宗時同阿木魯拔都兒克達魯花赤攻南

...行有七十餘人月里麻思語之曰吾與...
...人多詐倘遇害當死焉母厚君命已而馳抵淮上...
...奔之曰爾命在我生死頃刻聞耳若能降官爵可...
...必不依貸月里麻思曰吾持節而來以道國好及誘我...
...死而已言辭慷慨不少...
...三十六年而死...
...日給糧食其家人忽都哈思自陳於帝曰臣願為國...
...死為公雪恥帝嘉納之授以上均州監戰萬戶

張好古戰死

元史

張好古字信甫少讀書善屬文器識宏遠勇而有謀父晉亨權知東平府事憲宗時嚴忠濟承制以好古權其父軍戍宿州...
...行軍千戶攻樊城身中流矢戰不少卻主將旌其功賞

百兩畧陽循泰與海門而還擊邵伯棟後之從大軍攻鄂世祖
中統元年還宿州忠濟命燕恩州刺史訪民瘼革吏弊立為
約未幾移戍蘄州李壇叛據濟南宋人攻蘄好古率兵迎擊
不敵死之時晉亨在濟南軍中聞之哭曰吾兒死得其所矣

邊居義自焚 元史

宋邊居義為都統守新城世祖遣伯顏督諸將攻之總制黃順
觀城降伯顏遣順招居義不出總管李庭破其外堡諸軍蟻
而登拔之居義自焚死

暗伯贈逃 元史

暗伯唐元人弱冠入宿衛性嚴重剛果有大志嘗親迎于
阻兵不得歸乃客居於于闐宗王阿魯忽之所世祖遣使
阿魯忽以通好阿魯忽留使者數年弗遣暗伯遂歸

張立道字顯卿以父任備宿衛世祖即位立道從北征未嘗去
左右皇子忽哥赤封雲南王往鎮其地詔以立道為王府文學
立道勸王務農以厚民即署立道大理等處勸農官兼領屯田
事佩銀符尋與侍郎甯端甫使安南定歲貢之禮雲南三十七
部都元帥寶合丁專制歲久有竊據之志忌忽哥赤來為王設
宴置毒酒中且賂王相府官無世其事立道聞之趨入見守門
者拒之立道怒與爭王聞其聲使人召立道乃得入為王言之
王引其手使探口中肉已腐矣是夕王薨寶合丁遂據王座使

張立道情中見賞 元史

張立道字顯卿以父任備宿衛世祖即位立道從北征未嘗去
左右皇子忽哥赤封雲南王往鎮其地詔以立道為王府文學
立道勸王務農以厚民即署立道大理等處勸農官兼領屯田
事佩銀符尋與侍郎甯端甫使安南定歲貢之禮雲南三十七
部都元帥寶合丁專制歲久有竊據之志忌忽哥赤來為王設
宴置毒酒中且賂王相府官無世其事立道聞之趨入見守門
者拒之立道怒與爭王聞其聲使人召立道乃得入為王言之
王引其手使探口中肉已腐矣是夕王薨寶合丁遂據王座使

人諷王妃索王印立道潛結義士得十三人約共討賊刺青
和金胥飲之推一人走京師告變事頗露寶合丁乃囚道將
殺之人匠提舉張忠於立道為族兄結壯士夜劫諸獄出之共
亡至土蕃界遇帝所遣御史大夫博羅歡王傳別帖與告變人
俱來遂與立道俱還按寶合丁及王府官嘗受賂者皆伏誅
旨召立道等入朝問王薨時狀帝聞立道言泣數行下歎歎
之曰汝等為我家事甚勞苦於是賜立道金五十兩以旌其忠

韓因寸割 元史

韓因字可宗世祖時少習舉子業負氣不群盜據汝寧官軍討
之及不下會朝廷詔赦叛逆募可持詔入賊者即借以官因
合賊惜因以唐州叛官使焉賊渠恐其黨心搖導因止于
官不讀詰問再三因答以恩有寬大禍福所係甚切不獲乃

國師韓國公廉馬周賊也大言曰汝輩好百姓何不以此
而甘從逆賊驅使耶眾愕然相顧或以告賊渠渠追因責
所言因極口肆詈賊怒寸割因

筆彥暉不屈 元史

筆彥暉世祖中統初將兵渡江次武昌宋援兵四集彥暉
有舟數十來挑戰彥暉遂之入湖中伏以圍彥暉數匝左右莫
能近彥暉矢盡短兵接身被重傷度不可免遂投水中敵授之
出載滯江州見宋官不屈問以事不對竟死

樊楫力戰 元史

樊楫進攻交趾陳日烜棄城走敵喃堡世祖至元二十五年正
月鎮南王攻敵喃堡破之日烜走入海中交人皆匿其粟而逃
張文虎餽餉不至二月天暑食且盡於是王命班師楫與烏馬

兒將舟師還為賊邀遮白藤江潮下揖舟膠賊舟大集矢下如
兩力戰自卯至酉揖被創投水中賊鈞執毒殺之

趙良弼忠君愛友 元史

趙良弼字輔之世祖在潛藩召見占對稱旨憲宗崩世祖北還
良弼凡五上言勸進曰今中外皆願大王早進正宸以安天下
事勢如此豈容中止社稷安危間不容髮世祖嘉之既即位在
陝西四川宣撫司復以廉希憲商挺為使副良弼為參議良弼
先行謀諸斲事官八春曰今渾都海日夜思北歸紐鄰遷延不
即行當先遣使奉上旨促紐鄰入朝劉太平速還京兆八春從
其議至則紐鄰果移營將入涇劉太平將趨六盤聞命乃止後
澤鄰海果叛北歸良弼與汪惟正劉黑馬二宣撫決機謀
元帥乞合不花意立火者誅之希憲及

以換報盜竊以為張惶不便宜急誅之擢殺在臣實不
可若上怒希憲等願使者即出此奏帝竟不問使者以發白政
府咸以良弼為長者陞參議陝西首事蜀人費寅以私憾誣
希憲商挺在京兆有異志者九事以良弼為徵帝召良弼詰問
良弼泣曰二臣忠良保無是心願剖臣心以明之帝意不釋
平季禮得王文統交通書益有疑二臣意切責良弼無功不
至欲斷其舌良弼誓死不少變帝意乃解

閻里吉思不屈 元史

閻里吉思性勇毅習武事尤篤於儒術築萬卷堂於私第日
諸儒討論經史成宗即位封高唐王西北不安請於帝願往平
之及行且誓曰若不定西北吾馬首不南大德元年夏遇敵

于伯牙思之地衆謂當俟大軍畢至與戰未晚闕里吉思曰大丈夫報國而待人耶即整衆鼓噪以進大敗之二年冬敵兵又至三戰三克闕里吉思乘勝逐北深入險地後騎不繼馬蹶陷敵遂為所執敵誘使降不屈又欲以女妻之闕里吉思毅然曰我帝婿也非帝后面命而再娶可乎敵不敢逼帝嘗遣其家阿昔思特使敵境見於人衆中闕里吉思一見輒問兩宮安否次問嗣子何如言未畢左右即引其夫明日遣使者還不復再竟不屈死焉

月魯不花遇倭見殺 元史

月魯不花字彥明受業于韓性先生為文下筆立就粲然成文既試江洲鄉閭中其選在右榜第一方揭曉試官夢月中有光景見而樂得其名人以為異願帝時登元統元年進士第

善大夫拜江南行御史臺中丞陞辭之日帝御嘉禧殿賜以金賜以上尊金幣皇太子亦書成德誠明四字賜之月魯不花乃由海道趨紹興為政寬猛不頗詔進階一品為洋祿大夫既而除浙西肅政廉訪使會張士誠據浙西僭王號度弗可與逐寇謂姪同壽曰吾家世受國恩恨不能刺賊以報國矧乃與賊同處邪今同壽具舟載妻子而匿身於樞中藉以業結脫走至慶元士誠部下察知之遣鐵騎百餘追至曹娥江不及而返俄改山南道廉訪使浮海北而往道阻還抵鐵山遇倭賊船乘乘乃挾同舟人力戰拒之倭賊給言投降弗納於是賊即登舟攫月魯不花令拜伏月魯不花罵曰吾朝廷重臣寧為賊拜耶遂遇害

汪澤民被害 元史

汪澤民順帝時遷集賢直學士未兩月即移書告老大學士和
尚曰集賢翰林實養老尊賢之地先生何為遽去願少留以副
上意澤民曰以布衣叨榮三品志願足矣遂以嘉議大夫禮部
尚書致仕既歸田里與門生故人相往還嬉遊超然若忘世者
十五年斬黃賊陷徽州時澤民居宣州已而賊來犯宣州江東
廉訪使道童稚重澤民日就之詢守禦計城得無虞明年長輪
軍瑣南班等叛來寇城或勸澤民去澤民曰我雖無官守故受
國厚恩臨危愛死非臣子節留不去凡戰鬪籌畫多澤民之功
之累敗賊兵既而寇益衆城陷澤民為所執使之降大罵不為
遇害

王澐志役非元史

王澐字文敏順帝時累遷僉漢中河西山北三道肅政廉訪

王澐字文敏順帝時累遷僉漢中河西山北三道肅政廉訪
澐以太府少監出為江蘇廉訪副使召僉太常禮儀院事京師
不守公卿爭出降澐志獨家居衣冠而坐其友中政院叛官王真來
澐曰新朝寬大不惟不死且仍與官盍出請官自言狀澐志澐然
之曰君既自不忠又誘人為不義耶因戒其子曰汝謹繼吾宗即
井中死

董搏霄無血元史

董搏霄順帝時就陞淮南行樞密院副使兼山東宣慰使都元帥
賜上尊金帶猪幣名馬以勞之有疾其功者請於總兵太尉
該令搏霄依前詔從下蘭矣同從益都搏霄即出濟南城屬老
病請以其弟昂霄代領其衆朝廷從之授昂霄淮南行樞密院判官未
幾有旨命搏霄守河間之長蘆至正十八年搏霄以兵北行且曰我去

南必可保既而濟南果陷博霄方駐兵南皮縣之魏家庄適有使者
詔拜博霄河南行省右丞甫拜命毛貴兵已至而營壘猶未完諸將謂博
霄曰賊至當如何博霄曰我受命至此當以死報國耳因拔劍督兵
而賊衆突至博霄前猝而問曰汝為誰博霄曰我董老爺也賊
之無血惟見其有白氣衝天是日昂霄亦死之

王英不動 元史

王英字邦傑順帝元統元年授海北海南同知宣慰使司事方
賊起時英已致仕平章政事伯撒里謂僚佐曰是雖鼠竊狗偷
非乃王行不可其人雖老必可以義激乃使迎致之英曰
家有事吾雖老其可坐視乎據鞍橫槊精神飛動馳赴馬及
年英功居多至正中毛貴陷益都英時年九十有六乃謂其子
曰我世受國恩美官厚祿備嘗享之今老矣縱不能效死
亦當捐軀以盡忠節

劉天孚赴水 元史

劉天孚丁母憂服除起知河中府視事始兩月陝西行省丞相
阿思罕為亂舉兵至河中時事起不虞達魯花赤朵兒只趨晉
寧告亂天孚日夜治戰守具選丁壯分守要害度不能拒凡入
城同知府事鐵哥與河東廉訪副使明安答見事急且惠城
人福乃詣阿思罕軍阿思罕囚之而斂船濟兵兵既入城阿
罕以扼河渡鎖舟楫為天孚罪欲脅使附已方坐府治號令
軍天孚佩刀直前衆道過之不得進退謂幕僚王從善等曰吾

家本微賤荷朝命至此今不幸遭大變吾何忍從之而負上
哉且與其辱於何思罕之手吾寧蹈河以死遂拂衣出時天
河冰方堅天孚拔所佩刀斫冰開北望為國語若祝謝者
已脫衣帽岸許乃投水中阿思罕大怒籍其家郡人咸哀
塔不台詬賊元史

塔不台字彥暉為襄陽錄事司達魯花赤順帝元統元年進士
魏王軍汝亳塔不台來供餉王嗜酒輕戰備一夕賊劫王王臥
未能起為所執塔不台馳騎奪王亦為賊所得比明見賊首
拜乞活塔不台以足蹴王曰猶欲生乎賊復屈其拜塔不台
而詬之且與縛者角遂交解

下探罵賊元史

下探世為農夫早游學亦師得補國子生既而丁母憂

帝至正十二年鄯都盜起未幾來剽探與劄子小
仲亨等協謀統丁壯數百人擊賊丁壯皆民兵無弓矢
以鉤鉏白鎚當賊賊矢雨集探衆潰散被擒仲亨小
賊素知探諭之曰汝從我解汝縛不從殺汝探唾罵賊
子生也視汝逆賊真狗彘也吾寧義死不從賊生罵不止賊
皆不聽殺之

王士元父子死節元史

士元字堯佐知磁州順帝至正十七年賊復迫濟州州兵悉
散士元坐堂上顧其子致微使避賊曰吾守臣居此職也若
奇逃生子侍立不忍去賊前問曰爾為誰士元叱曰我王知州也
匪賊識我否賊欲縛士元士元奮拳毆賊賊怒并其子殺之

趙璉主僕俱死元史

順帝時朝廷乃析河南地立淮南江北行省于揚州以中書參議趙璉參知政事璉方病水腫即輿疾而行既至分省鎮淮安又移鎮真州會張士誠為亂突起海濱陷泰州興化行省遣人討之不克乃命高郵知府李齊往招諭之士誠因請降行省以民職且乞從征討以自効遂移璉鎮泰州璉乃趣士誠治舟船擲濠泗士誠疑憚不肯發又覘知璉無備遂復反夜四鼓燧火登城璉力疾扞佩刀上馬與賊鬪市衢賊圍璉邀至其地詰之曰汝輩罪在不赦今既背爾誅戮又錫以名爵朝廷何負於汝乃既降復反邪汝棄信逆天滅不旋踵我執眚大臣豈為汝賊輩取乎即馳騎奪璉以槩撞璉墜地欲舁登其舟璉以目大罵遂死之其僕楊兒以身蔽璉亦俱死

孫為死節

孫為字自謙順帝至正二年進士授濟寧路錄事張士誠據鄭墩或謂其有降意朝廷擇烏馬兒為使招諭士誠而用為輔行搗家若不知也中書借搗集賢待制給驛就其家起之搗強行抵高郵士誠不送詔使搗等既入城反覆開諭士誠等皆竦然以聽已而拘之他室或日一饋食或間日一饋食欲以降搗搗唯諾斥而已乃令其黨搗搗肆其陵辱搗不郵也及士誠徙平江搗與士誠部將張茂先謀將搗所授站馬劄子遣壯士浦四許誠赴鎮南王府約日進兵復高郵謀泄執搗訊問搗不絕竟為所害後賊中見失節者輒自相嗤曰此豈孫待制耶

盛昭罵賊

元史

盛昭字克明順帝時由儒學官累遷淮南行省照磨會詔使孫

高郵不得達而還謬稱賊已迎拜但乞名爵耳行省不虞其詐乃遣昭入高郵授所與張士誠官士誠拒不聽拘諸舟中昭語所從吏曰吾之止此有死而已既而官軍逼高郵士誠授昭以兵使出拒官軍昭叱曰吾奉命招諭汝汝拘留詔使罪不容斬又欲吾從汝為賊耶大罵不絕口賊怒先剗其臂肉而後磔之

楊乘自縊元史

楊乘字文載順帝至正初為介休縣尹民饑散為盜乘立法詔之使自新皆乘兵頓首願為良民其後累官江浙行省左右司員外郎坐海寇掠漕糧舟免官寓居松江張士誠入平江其後郭良弼壘綬言乘于士誠士誠遣張經招乘乘曰良弼壘皆臣今已失節願欲引我以濟其惡邪且讓經平日讀書云何經曰首不能對乘日與客痛飲竟日不言客問蓋行乎乘曰乘以

一小時致身歸官有死而已尚何行二有經保其行念為

納速刺丁淮東官慰司

子死節元史

納速刺丁淮東官慰司為據順帝至正十年賊發真州納速刺丁以民兵往襲之獲賊四十二人己而余賊大起鎮南王府宣慰司請參議軍事納速刺丁建議築四城立外寨捷堤壘河泰州李二起行省移之捍高郵得勝湖賊船七十餘柁乘風而來即前擊之焚其二十餘船賊潰去李二失援遂降其黨張士誠殺李二復為亂賊參政趙璉入據興化而水陸襲高郵也真東門納速刺丁以舟師會諸軍討之距三壘鎮賊眾猝至納速刺丁麾兵挫其鋒後賊鼓譟而前乃發火箭火鏃射之死者蔽流而下賊繚船於背盡力來攻而阿速衛軍及真滁萬戶府

等官見賊勢熾皆遁走納速刺丁願必死謂其三子寶童海魯
丁西山驢曰汝輩可脫走寶童等不肯去遂皆死之

樊執敬罵賊 元史

樊執敬歷官授江浙行省參知政事順帝至正十二年賊犯餘
杭執敬時已被命討賊海上至是事急不得舍去與平章政事
定定治事省中調兵出戰皆不利掾史蘇友龍素抗直有為
言於執敬曰賊且至城內空虛無備奈何執敬曰吾卒礪戈
當殲賊以報國儻或不克有死而已何畏哉俄報賊已至執敬
遽上馬帥眾而出中逢與賊遇乃射死賊四人賊又逐之射死三
人已而賊來方盛填咽街巷且縱火眾皆潰去賊知其無援
執敬降執敬怒叱之曰逆賊守閩吏不謹汝得至此恨不碎汝
萬段何謂降耶乃奮刀斫賊因中槍而墮獲僕田也先

亦中於

全普庵仗義死節 元史

全普庵撒里累授贛川政達魯花赤順帝至正十一年額
起於修築城壘旬月之間守禦之具畢備於是發公帑募勇
得兵三千人日練習之皆可用為己有為賊所陷者往往
獲之境內悉安十六年以功拜江西行省參政分省於贛十八
年江西下流諸郡皆為陳友諒所據乃與總管台海亦魯力
有友諒遣其將幸文才率兵圍贛使人脅之降普庵撒里斬
友諒甲谷城拒之力戰凡四月兵少食盡義兵萬戶馬合
出攻舉城降普庵撒里不從遂自剄事聞朝廷贈謚曰
與法戰者我也爾賊每殺贛民當速殺我耳遂見殺

周謝瀏陽文節 元史

周鏜字以聲瀏陽州人順帝時由進士為四川儒學提舉便道還家時盜起湖南北郡縣皆陷瀏陽無城守盜至民皆驚竄鏜告其兄弟使遠引自謂我愛國恩脫不幸必死毋為相累也賊至得鏜欲誑以為主鏜唯瞠目厲聲大罵賊知其不可屈乃縱之鏜同時有謝一魯字至道昔亦瀏陽人至元乙亥鄉貢進士嘗為石林書院山長賊陷潭州一魯奉親匿岩谷中官兵復劫去之者稍歸乃還理政業俄而賊復至生縛一魯一魯罵賊甚厲舉家咸遇害

明安達爾順帝時死節 元史

明安達爾順帝時為涇州縣達魯花赤平勇敢出擊淮漢賊其為將則第... 進營薦賊賊眾奄至出闕死其家賊焉

劉時孫忠乃子弟 元史

時孫字存吾順帝至正十五年轉寧國路推官成鐵勸官與賊賊之活者萬計會長鎰瑣南班程述謝嗣等攻寧國時孫分守城西南日署府事時孫在東城固守江浙行省遣孫知事言尼哥兒來援至則已叛矣城恃有援不為備瑣南班之使四鼓引眾緣堞而上遂陷時孫力戰遇害弟壽孫時孫下弟授常寧州儒學正湖南陷常寧長吏棄城走民奉印請壽孫為城守城賴以完者一年外援俱絕死之長子碩為壽昌江夏縣魯湖大使起義兵援茶陵亦死之

俞述祖罵賊不輟 元史

俞述祖字紹芳由翰林書寫出為沔陽府推官順帝至正十二年斬黃賊迫州境述祖領民兵守綠水洪井力捍禦之兵力不

支河陽城陷民兵悉潰述祖為賊所執械至其偽主徐壽輝述
誘之使降述祖罵不輟壽輝怒支解之有子方五歲亦死

桂完澤決舅元史

桂完澤首順帝時嘗從江西左丞李朵兒留京師得為平江路
管軍鎮撫為仇家所訴免官會賊攻吳鎮關行首遂假前官
從征完澤勇于討賊凡再戰關下皆勝尋又與賊鬪為所執
妻弟金德亦被擒皆反縛于樹臨以白刀脅之降金德意大
完澤呼曰金舅男子漢即死不可聽賊德曰此言最是因大
賊怒剖二人之腹而死

丑聞夫婦節元史

丑聞字時中蒙古氏累官知安陸府順帝至正十二年新
興紀安陸時丑聞募兵得數百人叩以拒賊賊

而賊他門入墜還兵則城中火起軍民潰亂計不可
勝服朝服出坐公堂賊脅以白刃丑聞猶吟以逆順一賊
丑聞下使拜不屈且怒罵賊酋不忍害拘之明日又逼其從
丑聞疾叱曰吾守土臣寧從汝賊乎賊怒以刀斫丑聞左脇
而死賊憤其不降復以囊囊其屍置其家丑聞妻侯氏出
哭且列酒肉滿前渴者令飲酒饑者令食肉以給賊之不防
已至夜自經死

彭庭堅立祠元史

彭庭堅由進士累遷陞同知福建副都元帥鎮邵武順帝至正
十四年盜侵政和松溪江南行臺中丞吳鐸督軍建寧檄庭堅
至時鎮撫萬戶岳煥隸麾下煥素悍縱卒為暴庭堅欲繩以法
煥懼使部卒乘其不備詐為賊兵突入交鋒衆皆潰庭堅獨留

不去遂遇害死年四十三故吏張椿儒士夏志行江晃奉極還
崇安民哀泣如喪父母立祠像歲時祭禱數降靈響旁邑在祠
亦如之

朵里不花闖門受害 元史

朵里不花字端甫拜江西平章政事招土寇金元祐復備梅惠
三州之寇承制官其酋長俾治賊以給兵食又別規粟四千万
輸送京師自是英肇欽連詣郡皆附且治兵由梅嶺以圖江西
而元祐有異志託以鎮服其土濠直司留先是制書命劉巨
會廣東元帥府事未發元祐竊甲易其名私界械賊劉文遠
與宿亂事覺文遠伏誅元祐及其弟元泰子榮竄匿不獲
崇寧外賊突入奪符信殺守吏起倉卒眾莫能支朵里不花
與妻楊恭元等勒兵拒戰而賊來益眾朵里不花為之

不花率麾下方與抗死之朵里不花遂
不絕口遂為賊殺其妻卜顏氏妾高麗氏在側不
去大罵曰我平章遇害爾父子厚矣爾父子何暴逆至此亦曾
其部將哈乞吳並所刺不花可不花等俱戰死

野峻台戰死 元史

野峻台順帝時轉貴州路總管湖廣既陷朝廷察其材升四川
行省參政命與平章咬住討賊咬住軍五千乃分鈔卒八百使
野峻台為前驅賊方據巴東縣攻拔之是時歸峽州皆為賊所
守野峻台破城江上斬溺無算已而歸峽平又進拔枝江松滋
兩縣乘勝趨江陵賊出陣清水門鏖戰至夕賊退入城乃據其
門咬住軍至黎明賊出戰三時頃咬住軍止百步外不救賊
飛槍刺之遂死

陳君用中槍元史

陳君用字子材少負氣勇猛過人時兵起江淮由撫盱入閩關授君用南平縣尹給錢五萬緡俾募千兵君用散家財繼之導官軍復建陽浦城等縣以功授同知建寧路事順帝至正十三年賊圍福州君用率兵往援大敗賊衆廉訪僉事郭興祖君用明珠虎符使權同知副都元帥遂引兵踰北嶺至連江阻水而陣君用曰今日不盡殺賊吾不復生還矣乃率壯士六十人徒涉斬殺賊稍清既而復合君用大呼轉戰中槍而死

卜理牙敦戰死元史

卜理牙敦北庭人累官至山南廉訪使治中興中興為江漢廉訪使卜理牙敦得被時所部威惠翕然順帝至正十二年寇犯中興卜理牙敦以兵與寇戰多死賊稍退明日復寇來戰

卜理牙敦力與之戰被執不屈而死

上都劉死元史

上都順帝至正十二年為中興判官統兵擊賊既而東門未守上都倉黃反闔力屈賊執之使降上都大罵賊怒劉其腹剖其肉而死

潮海等嘗賊而死元史

潮海扎刺台氏為靖安縣達魯花赤順帝至正十二年斬黃賊起潮海與縣尹黃紹同集義兵為禦賊計未幾賊兵數萬由武寧來寇紹赴行省求援潮海獨率衆與戰于象湖大破之乃起進士胡斗元塗淵舒慶遠甘棠等謀畫而以勇士黃雲為前鋒自二月至于八月戰屢捷擒賊將洪元帥而賊黨益盛黃雲戰死我軍挫衄潮海遂被圍尋為賊所執殺于富州子民安圖

父職為本縣達魚是化赤十三年帥衆敗走賊將復縣治十四年
賊兵復至民安圖迎戰力竭賊執而尚之紹字仲先臨川人登
至正八年進士第以求援出靖安而道阻絕遇官軍護紹得入
龍興而龍興亦被圍其後圍解紹乃與民安圖招諭叛境過建
昌之高坪遇賊紹與戰不勝正衣冠怒罵為賊所害斗元字元
結清安人至正十年領江西鄉薦第一下第署贛溪書院山長
賊至靖安掠斗元鄉里斗元以鄉兵擊敗之入縣治與潮海共
圖戡守及潮海被執賊脇之使降斗元罵不屈乃以土埋其腰
不死又縛置暗室斗元仆墻以出逃入深山狂罵而死黃雲燕
川人寓靖安素以勇捷稱每接戰獨以身當敵嘗為數十人焚
燬即奮身躍出至是身中數十鎗噴血罵賊而死

中立大罵

元史

中立字伯時州府時歷官至陝西在史中亦為平賊
臨湖廣分攻州郡官軍多疲屢不能拒所在無賴子多乘
發不旬日衆輒數萬皆短衣草履為劫掠者為珍翫排席
為中孺彌野皆亦中立聞警即率子弟分塞四要形守備俄而
賊至達魯官化赤馬來不能發一矢賊分逼中立以義兵擊
卻之已而賊復合遂為所執以紅衣被其身中立叱之須髯盡
張賊執歸斫水欲屈其從已中立大罵不已遂被害

于大本痛詈偽主

元史

于大本順帝時為信州總管賊臨城大本以士兵備禦賊首項
甲破東門而入執大本至斫水為俘獻偽主徐壽輝釋其縛界
偽印一組且命以官大本投印于地而指偽主痛詈之遂遇害

普顏不花不屈

元史

晉頹不花字希古由進士累轉為中書參知政事順帝至正十
八年詔與治書侍御史李國鳳同經畧江南至建寧江西陳友
諱遣鄧克明來寇而平章政事阿魯溫沙等皆夜遁國鳳時分
鎮延平城陷遁去晉頹不花曰我承制來此去將何之誓與此
城同存亡耳命築各門甕城前後拒戰六十四日既而大敗賊
衆明年召還授山東宣慰使再轉知樞密院事平章山東行省
宰禦益都

大明兵壓境晉頹不花捍城力戰城陷而平章政事保保出降
晉頹不花還告其母曰兒忠孝不能兩全有二弟當為終養
毋趨官舍坐堂上主將素聞其賢召之再三不往既而面縛之
晉頹不花曰我元朝進士官至極品臣各為其主不屈死之

申榮自縊
元史

申榮順帝時為山東行省平章守東昌榮見列郡皆陷遂為
人主世間不能全忠孝者兒也父曰何為榮曰城中兵少不
敵戰則萬人之命由兒而廢但有一死報國耳遂自縊

拜住赴井
元史

拜住字聞善順帝時以材累官至翰林國史院都事為太子司
經兵至拜住謂家人曰吾始祖海蓋伯封河東公者與太祖同
事王可汗太祖取王可汗收諸部落吾祖引數十騎馳西北方
太祖使人追問之曰昔者與皇帝同事王可汗王可汗今已
欲為之報仇則帝乃天命欲敗事帝則吾心有所不忍故避之
於遠地以沒吾生耳此吾祖之言也且吾祖生朔漠其言尚如
此今吾生長中原讀書國學而可不知大義乎况吾上世受國
厚恩至吾又食祿今其國破尚忍見之與其苟生不如死遂赴

并死其家人瘞之舍東志以其書籍焚之為殉云

趙弘毅闔門死節 元史

趙弘毅字仁卿順帝時嘗受經於臨川吳澄始辟翰林書寫再轉為國史院編脩官調大樂署令

大明兵入京城弘毅嘆息曰忠臣不二君烈女不二夫此古語也我今力不能救社稷但有一死報國耳乃與妻解氏皆自縊其子恭中書管勾與妻子訣曰今乘輿北奔我父子食祿不能効尺寸力吾父母已死尚何敢愛死乎或止之曰我曹官卑何自苦如此恭叱曰爾非我徒也古者忠義人各盡自心豈關之崇卑乎遂公服北向再拜亦縊死恭女官奴年十七見恭死方大泣適隣姬數輩來相率出避曰我未適人避將何之不能致力挽之女曰人生在世便百歲亦須一死乃潛入中堂縊

表帶自縊

黃暉赴井 元史

黃暉字毅士除國子助教擢翰林特制順帝至正二十八年京城既破暉歎曰我以儒致身累蒙國恩為胥子師代言禁林今縱無我戮何面目見天下士乎遂赴井而死

祈帖穆爾夫婦死節 元史

祈帖穆爾字君壽至正中累遷為福建行省左右司郎中行省治福州順帝至正二十七年

大明以騎兵出杉關取邵武以舟師由海道趣閩奄至城下祈帖穆爾知城不可守引妻妾坐樓上慷慨謂曰丈夫死國婦人死夫義也今城且陷吾必死於是若等能吾從乎皆泣曰有死而已無他志也縊而死者六人有十歲女度其不能自死則給

之曰汝捨穎拜佛庶保我無恙也甫拜即挈米囊厭之死乳媪抱其幼子旁立以泣栢帖穆爾執視之歎曰父死國母死夫妾與女從父者也皆當死汝三歲兒於義何所從乎為宗祀計可也乃命媪抱匿旁近民舍而斂金珠昇之曰即有緩急可以此贖兒命有頃兵入城即舉燈自燃四圍窓火太發遂自焚死

送里彌實自剗

元史

送里彌實字子初畏吾氏性剛介事母至孝年四十猶不仁或問之曰吾不忍舍吾母以去也順帝時以宿衛年勞被行宣政院崇教三遷為漳州路達魯花赤居二年民甚安之時陳有定據金闕八郡之政皆用其私人以總制之朝廷命官不得有所與至正二十七年十二月

大明兵既取福州興化泉州皆納款或以告送里彌實

海軍亦材位三品國恩厚矣其何以報乎報國恩者有死而已古何吏走白招諭使者至請出城送之送里彌實從容語之曰爾第往吾行出矣乃詣廳事具公服北面再拜畢引斧斫其印文又大書手版曰大元臣子即入位端坐按所佩刀刺喉中以死既死猶手執刀按膝坐儼然如生時郡民相乘哭庭中斂其屍葬東門外

獨步丁等死節

元史

獨步丁回回人舊進士順帝時累官僉廣東廉訪司事有呂復者為江西行省左右司都事皆閑居寓福州而復以行省命攝長樂縣尹福州既下獲獨步丁曰吾兄弟三人皆忝進士受國恩四十年今雖無官守然大節所在其可辱乎以石自繫其腰殺并死復亦曰吾世食君祿今雖攝官若不以死報國則無以

見先人于地下引繩自經死獲獨步丁兄曰穆魯丁者官建康
曰海魯丁者官信州先是亦皆死國難云

朴賽因不花不屈元史

朴賽因不花累官出為嶺北行省右丞順帝至正二十四年甘肅行省以李羅帖木兒矯弒皇后皇孫遣人白事平章政事也速答兒即欲署諭衆榜朴賽因不花持不可曰此大事何得輕信况非符驗公文卒不署榜既而果妄傳拜中書平章政事大明兵逼京師詔朴賽因不花以兵守順承門其所領兵僅數百羸卒而已乃嘆息謂左右曰國事至此吾但知與此門同存亡也城陷被執以見主將唯請速死不少屈主將命留營中終不屈殺之

張庸被殺元史

張庸字存山溫州人性慕爽精太乙數會世亂以策干
李國鳳承制授庸福建行省員外郎治兵形關項之計事
師因進太乙數圖順帝喜之擢秘書少監皇太子立大撫軍院
命庸團結房山遷同僉將作院事又除刑部尚書仍領團結會
諸寨既降庸守駱駝不從事段禎請授於廣廓帖木兒不報
庸獨堅守拒戰衆將潰庸無去志已而寨民李世傑執庸出降
以見主將庸不屈與禎同被殺

丁郭不屈元史

丁好禮拜中書參政順帝至正二十七年後起為中書平章政
事以論議不合謝政去特封趙國公

大明兵入京城或勉其謁大將好禮叱之曰我以小吏致位極
品爵上公今老矣恨無以報國所欠惟一死耳後數日大將召

好禮不肯行昇至齊化門抗辭不屈而死是日中書參知政事郭庸亦昇至齊化門衆叱之拜庸曰臣各為其主死自吾分何拜之有語不少屈而死

閱本一門自縊 元史

閱本字宗先順帝時詔授集賢侍講學士

大明兵薄京師本謂其妻程氏曰國事至此吾知之久矣愧不能立功補報敢愛六尺軀苟活我程氏曰君能死忠我尚有愛於君乎今乃朝服與程氏北向再拜大書于屋壁曰元中奉太夫集賢侍講學士閱本死遂俱縊焉二女長真真次女文兒亦死呼天號泣亦自縊於其傍

石抹宜孫忠孝不偷 元史

石抹宜孫順帝至正十八年

大明兵薄京師宜孫母實在發威宜孫曰妻妾無君無親尚可立天地間我即遣胡深等將兵數萬往赴援而親率精銳為之發兵至發與

大明兵甫接即敗績而還時經畧使李國鳳至浙東奉制拜宜孫江浙行省參知政事明年

大明兵入處州宜孫將數十騎走福建境上欲圖報復而所至人心已散事不可復為嘆曰處州吾所守者也今吾勢已窮無所於往不如還處州境死亦為處州鬼耳既還至處之慶元縣為亂兵所害

余廷心立廟 元史

余闕字廷心順帝時守安慶城陷既死賊義之求屍塘中具棺

鈔葬於西門外及安慶內附

大明皇帝嘉闕之忠詔立廟於忠節坊命有司歲時致祭云

福壽死守 元史

福壽順帝時授長寧寺以卿出為淮南行省平章政事是時濠
泗俱已陷師久無功福壽至督戰甚急而上游賊勢甚洶湧福
壽乃議築石頭斷江而守禦有方衆恃以為固至正十五年遷
江南行臺御史大夫先是集慶嘗有警阿魯灰以湖廣平章政
事將苗軍來援事平其軍鎮揚州而阿魯灰御軍無紀律苗
素驍悍日事殺虜莫能治歲而苗軍殺阿魯灰以叛而集慶之
糧遂絕及高郵廬和等州相繼淪陷而集慶勢益孤人心益震恐
且倉庫無積蓄計未知所出於是民乃願為兵以自守福壽
因下令民多資者皆助以糧餉激厲士衆為完守計期

十六年三月

大明兵圍集慶福壽數督兵出戰盡閉諸城門獨開東門以通
出入而城中勢不復能支城遂破百司皆奔潰福壽乃獨據朝
床坐鳳凰臺下捐糜左右或勸之去叱之曰吾為國家重臣城
存則生城破則死尚安往哉遂魯花赤等尼等思見其獨坐若
有所為者從問所決留弗去俄而亂兵四集福壽遂遇害不知
所在

達識帖睦爾禁錮而死 元史

達識帖睦爾字九成順帝時為江浙行省丞相以揚完者為江
蘇行省參政至是遂陞右丞而苗軍素無紀律肆為鈔掠所過
蕩然無遺達識帖睦爾方倚完者以為重莫敢禁遏故完者勢
驕日肆而不可制至正十七年張士誠寇嘉興屢為完者所敗

士誠乃遣蠻子海牙以書詐降蠻子海牙嘗為南行臺御史中丞以軍結水寨屯采石為

大明兵所敗因走歸士誠故士誠使之來而書詞多不遜完者欲納之達識帖睦爾不可曰我昔在淮南嘗招安士誠知其反覆其降不可信完者固勸乃許之士誠始要王爵達識帖睦爾不許又請爵為三公達識帖睦爾曰三公非有司所定今我雖便宜行事然不敢專也完者又力以為請達識帖睦爾雖外為正詞然實幸其降又恐件完者意遂授士誠太尉其第士德南行省平章政事士信同知行樞密院事其黨皆授官有差士誠兵速據杭州十九年朝廷因授士信江浙行省平章政事士信乃大發浙西諸郡民築杭城先是海漕久不通朝廷遣使來徵糧士誠運米十餘萬石達京師方面之難悉歸於士誠

士誠自虛名而已俄而士誠令其部屬自頌功德必欲求王爵達識帖睦爾謂左右曰我承制居此徒籍口舌以取此輩今張氏復要王爵朝廷雖微終不為其所協但我今若逆其意則自前必受害當忍恥含垢以從之耳乃為具文書聞于朝至再三不報士誠遂自立為吳王即平江治官闕立官屬時登闌帖木兒為江浙行省右丞真保為左右司郎中二人諂事士誠多受金帛數姪孽達識帖睦爾之短以故張氏遂有不相容之勢二十四年士信乃使王晟等面數達識帖睦爾過失勒其移咨省院自陳老病願退又言丞相之任非士信不可士信即逼取其諸所掌符印而自為江浙行省左丞相從達識帖睦爾居嘉興事聞朝廷即就以士信為江浙行省左丞相達識帖睦爾至嘉興士信峻其垣牆網其門闈所以防禁之首甚嚴達識帖睦

通皆不以為意日對妻妾飲酒放歌自若後聞普化帖木兒大夫死歎曰大夫且死吾不死何為遂命左右以藥酒進飲之而死張士誠乃使載其柩及妻孥返于京師

普化帖木兒死節 元史

普化帖木兒順帝時為行臺御史大夫時張士誠令有司公績皆首稱吳王今旨又諷行臺為請實授于朝普化帖木兒皆不從至是既拘達識帖睦爾即使人至紹興從普化帖木兒索行臺印章普化帖木兒封其印置諸庫曰我頭可斷印不可與又迫之登舟曰我可死不可辱也從容沐浴更衣與妻子訣賦詩二章乃仰藥而死臨死擲杯地上曰我死矣逆賊當踵我亡也

秦不華擊賊 元史

秦不華字燕善及進士第授集賢脩撰累至御史大夫順帝

正八年台州黃巖民方國珍為蔡亂頭王伏之雙鬚遂入海亂劫掠漕運糧執海道千戶德流于實事聞詔江浙叅政及不兒只班總舟師捕之追至福州五虎門國珍知事危然奔將隨官軍自相驚潰不兒只班遂被執國珍迫其上招降之狀朝廷從之國珍兄弟皆授之以官國珍不肯赴教益暴橫九年詔秦不華察實以聞既得其狀遂上招捕之策不聽尋降江東燕訪使改翰林侍讀學士知制誥同脩國史已而出為都水庸田使十年十二月國珍復入海燒掠沿海州郡十一年二月詔李羅帖木兒為江浙行省左丞總兵至慶元以秦不華諗知賊情狀遷浙東道宣慰使都元帥分兵于温州使夾攻之未幾國珍寇溫秦不華縱火筏焚之一夕遁去既而李羅帖木兒密與秦不華約以六月乙未合兵進討李羅帖木兒乃以壬辰先期至大閱

洋國珍夜率勁卒縱火鼓譟官軍不戰皆潰赴水死者過半李
羅帖木兒被執反為國珍飾辭上聞泰不華聞之痛憤斃食數
日朝廷弗之知復遣大司農達識帖木爾等至黃岩招之國珍
兄弟皆登岸羅拜退止民間小樓是夕中秋月明泰不華欲命
壯士龍殺之達識帖木爾適夜過泰不華密以事白之達識帖
木爾曰我受詔招降耳公欲擅命耶事乃止撤泰不華親至海
濱散其徒衆拘其海舟兵器國珍兄弟復授官有差既而遷泰
不華台州路達魯花赤十二年朝廷征徐州命江浙省臣募舟
師守大江國珍懷疑復入海以叛泰不華自死報國發兵
扼黃巖之澄江而遣義士王大用抵國珍示約信使之來歸國
珍益疑拘大用不遣以小舸二百突海門入州港紀馬鞍諸山
泰不華語衆曰吾以書生登顯要誠慮負所學今守海隅

招徠又復為變君輩助我擊之其克則汝輩功也不克則我輩
死以報國耳衆皆踴躍前行時國珍戚黨陳仲達往來計議陳
其可降狀泰不華率部衆張受降旗乘潮而前船觸沙不能行
泰與國珍遇呼仲達申前議仲達目動氣索泰不華覺其心異
率斬之即前搏賊船射死五人賊躍入船復斫死二人賊舉槳
來刺輒斫折之賊群至欲抱持過國珍船泰不華嗔目叱之賊
起奪賊刀又殺二人賊攢槳刺之中頸死猶植立不仆投其屍
海中四年四十九時十二年三月庚子也僅名抱琴及臨海尉李
輔德千戶赤盞義士張君璧皆死之泰不華尚氣節不隨俗薄
沉太平為臺臣劾去相位泰不華獨餞送都門外太平曰公且
止勿以我累公泰不華曰士為知己死寧畏禍耶後雖為時相
擯斥人莫不避之善篆隸温潤道勁嘗重類復古編十卷攷正

訛字於經史多有據云

郭嘉力戰元史

郭嘉字元禮順帝時登進士第擢禮部員外郎至正十八年寇陷上京嘉聞之躬率義兵出禦既而遼陽陷嘉將眾巡邏去城十五里遇青號隊五百餘人給言官軍嘉疑其詐俄果脫青衣變紅嘉出馬射賊分兵兩隊而夾攻之生擒賊數百死者無算嘉見賊勢日熾孤城無援乃集同官議攻守之計眾皆失措嘉曰吾計決矣因竭家所有衣服財物犒義士以勵其勇敢且曰自我祖宗有勲王室今之盡忠吾分內事也况身守此土當生死以之餘不足恤矣頃之賊至圍城巨數十里有大呼者曰遼陽我得矣何不出降嘉挽弓射呼者中其左頰墮馬死賊稍引退嘉遂開西門逐之賊大至力戰以死

石普力戰俱死元

石普字元周順帝至正五年進士授國史院編修官淮東西寇起朝廷方用兵普以將畧稱同僉樞密院事董鑰嘗薦其對會丞相脫脫討徐州以普從行徐平錄功遷兵部主事尋陞樞密院都事從樞密院官守淮安時張士誠據高郵普詣丞相面陳破賊之策且曰高郵負重湖之險地皆沮洳騎兵卒莫能前普少兵三萬保取之高郵既平則濠泗易破盍請先驅為天下忠義倡丞相壯之命權山東義兵萬戶府事招民義萬人以行而汝中相者方用事陰沮之賊其軍半初令普便宜行事及行又使聽淮南行省節制普行次范水砦日未夕普令軍中具食夜漏三刻下令銜枚趨寶應其營中更鼓如平時抵縣即登城樹幟城上賊大驚潰因撫安其民由是諸將疾普功水陸進兵

乘勝拔十餘砦斬賊數百將抵高郵城分兵三隊一趨城東備
水戰一為奇兵虞後一晉自將攻北門遇賊與戰賊不能支遁
入城晉先士卒躡之縱火燒關門賊思謀棄城走而後軍望之
按不進且忌晉成功總兵者遣蒙古軍千騎笑出晉軍前欲致
先入之功而賊以死扞蒙古軍惟怯即馳回普止之不可遂為
賊所蹂踐率墜水中普軍亂賊乘之普勒餘兵血戰良久仗劍
大呼曰大丈夫當為國死有不進前者斬吾擊直入賊陣中從
者僅三十人至日西搜絕被創墜馬復步戰數合賊益至賊猶
曰此必頭目不可使逸湧生致之普叱曰死賊奴我即石勒事
何云頭目在脅為賊鎗所中猶手握其鎗斫賊死賊眾積鎗以
刺普普與從者皆力戰俱死之

星吉死節

星吉字吉順帝時為江西行省平章政事星吉至江東詔
平江州時江州已陷賊據池陽太平官軍止有三百人賊號百
萬眾皆欲走星吉曰畏賊而逃非勇也坐而待攻非智也汝等
皆有妻子財物縱逃其可免乎乃代貧富人錢募人為兵先是行
臺募兵人給百五十千無應者至是星吉募兵入五十千眾爭
趨之一日得三千人乃具舟楫直趨銅陵克之又破賊白馬灣
賊敗走分兵躡之抵白涓賊窮急回拒官軍官軍乘勝奮擊賊
盡殪擒其渠魁周驢奪船六百艘軍聲大振遂復池州乃命諸
將分道討賊復石埭諸縣賊復來攻命王惟恭列陣當之鋒始
交出小艦從旁橫擊大破走之進據清水灣伺者告賊艦至自
上流順風舉帆衆且数十倍諸將失色星吉曰無傷也風勢盛
彼倉卒必不得泊但伏橫港中偃旗以待俟過而擊之無不勝

矣風怒水駛賊奄忽而過乃命舉旗張帆鼓譟而薄之官軍殊
死戰風反為我用又大破之時賊久圍安慶捷聞遽燒營走還
復湖口縣克江州留兵守之命王惟恭柵小孤山而星吉自據
番陽口綴江湖要衝以圖恢復時湖廣已陷江西被圍淮淪亦
多故卒無繼援之者日久糧益乏士卒咸困或曰東南完實蓋
因糧以圖再舉乎星吉曰吾受命守江西必死於此眾莫敢復
言有頃賊乘大船四集來攻我軍取兼葦編為大筏塞上下派
火之我軍力戰眾死且盡星吉之從子伯不華與親兵數十人
死之星吉猶堅坐不動賊發矢射星吉乃昏仆賊索聞星吉名
不忍害昇置密室中至日乃蘇賊羅拜爭饋以食星吉斥之遂
不復食凡七日乃自力而起北面再拜曰臣力竭矣遂絕年五
十七星吉為人公廉明決及在軍中能與將士同甘苦以

人心故能以少擊衆得人死力云

道童戰賊被殺

元中

道童自號石巖順帝時為江西行省平章政事加大司徒開府
至正十八年夏四月陳友諒復攻江西城時火作赤已陞平章
政事加管國公行便宜事任專兵柄而素與道童不相能且貪
惡不得將士心見城且陷遂夜遁去道童亦棄城退保撫州路
敵集諸縣義兵以圖克復而勢已不可為因嘆曰我為元朝大
臣官至極品今城陷不守尚何面目復見人乎適賊追者至道
童欲迎敵渡水未登岸賊眾乘之遂為所害事聞賜諡忠烈

慶童出奔被殺

元史

慶童字明德順帝時為江浙行省平章繼而苗軍帥楊完者以
其軍守杭城丞相達識帖睦爾承制授完者江浙行省右丞

而完者益以功自驕因求娶慶童女慶童初不許時苗軍勢甚
張達識帖睦爾方倚以為重強為主婚慶童不得已女與之明
年出鎮海寧州距杭百里地瀕海饒瘠民甚貧居二年益息而
民阜至正十八年拜江南行臺御史大夫賜以御衣上尊時南
行臺治紹興所轄諸道皆阻絕不通紹興之東明台諸郡則
於方國珙其西抗蘇諸郡則據於張士誠憲臺綱紀不復可振
徒存空名而已二十年召還胡慶童乃由海道趨京師拜中書
平章政事俄有譖其子剛僧私通官人者帝怒殺之慶童因鞅
上不得志移疾家居久之日飲酒以自遣二十五年詔拜陝西
行省左丞相時李思齊擁兵關中慶童至則御之以禮待之以
和居三年關陝用寧召還京師二十八年七月

大明女通京城帝與皇太子及六官至於宰臣近戚皆見其

合德其水兒不花監國慶童為中書左丞相以輔之八月
京城破淮王與慶童出齊化門皆被殺

群書集事淵海卷之十三

群書集事淵海卷之十四

臣門

忠勇

臨敵忘身勇於戰者

李當戶擊馮不遜史記

李當戶前將軍廣之子也漢景帝時為郎天子與韓嫣戲馮少不遜當戶擊馮馮走於是天子以為勇

許褚心動魏書

許褚有勇力漢獻帝末丞相曹操拜都尉引入宿衛時徐他等謀為逆以褚常侍左右憚之不敢發伺褚休下日也等懷刀入

褚至下舍心動即還侍他等不知入帳見褚大驚愕他色變
覺之即擊殺他等操益親信之不離左右

嵇紹捍衛 晉書

嵇紹字延祖惠帝時齊王冏以為左司馬旬日冏被誅初兵交
紹奔散赴宮有持弩在東閣下者將射之遇有敵中將兵
見紹姿容長者疑非凡人趣前拔箭於此得免紹以天子蒙塵
承詔馳詣行在所值王師敗績於蕩陰百官及侍衛莫不散
唯紹儼然端冕以身捍衛兵交御輦飛箭雨集紹遂被害於帝
側血濺御服天子深哀歎之及事定左右欲浣衣帝曰此紹侍
中血勿去

袁粲平賊 南史

袁粲平賊 南史
粲為中書監元徽二年桂陽王休範為

粲將意沮成莫能奮發慷慨謂諸將帥曰寇賊已逼而衆情
離阻孤子受先帝顧託本以死報今日當與諸護軍同死社稷
因命左右被馬辭色哀壯於是陳顯達等感激出戰賊即平
事寧授中書監

桓康負擔 南史

桓康勇果驍悍宋大明中隨齊高帝為軍容從武帝在贛縣春
始初武帝起義為郡所繫衆皆散康裝擔一頭貯糴后一頭貯文
惠太子及竟陵王子良自負置山中與門客蕭欣祖等四十餘人
相結破郡獄出武帝郡追兵急康等死戰破之隨武帝起兵
陷陣旅力絕人所經村邑悉行暴害江南人畏之以其名師小兒
畫其形於寺中病虐者寫形帖着牀壁無不立愈桓康後除

令桂陽王休範事起康棄縣還都就高帝會事已平除員外郎
元徽五年七月六日夜少帝微行至領軍府帝左右人曰一府
皆眠何不緣牆入帝曰我今夕欲一處作適待明日夜康與高
帝所養健兒盧荒向黑於門間聽得其語明旦王敬則將帝
至扣府門康謂是變與荒黑拔白刃欲出仍隨高帝入宮高
鎮東府除武陵王中兵寧朔將軍帶蘭陵太守常衛左右

洛兒奉帝 北史

王洛兒魏明元在東宮以善騎射給事帳下謹愿未嘗有過
元嘗獵于灑南水陷沒馬洛兒投水奉明元出殆將凍死帝
表賜之自是恩寵日隆明元即位拜散騎常侍爵

陳建以身捍賊 北史

陳建魏太武時以善騎射擢為三郎遷下大夫內行長太武

討山胡白龍輕之單將騎數十每自登山白龍伏壯士出不
帝墜馬幾至不測建以身捍賊奮擊殺數人被十餘瘡帝壯
賜別戶三十出為幽州刺史假秦郡公

拓拔齊以身蔽帝 北史

河間公齊後魏烈帝之玄孫也小雄傑魁岸太武征赫連昌太
武馬蹶賊逼帝齊以身蔽捍決死力戰賊乃退帝得上馬是日
微齊帝幾至危殆帝以微服入其城齊固諫不許乃與數人從
帝入城內既覺諸門悉閉帝及齊等因入其宮中得婦人裙繫
之繫上帝乘而上因此得拔於齊有力焉賜爵浮陽侯

王稚奮擊 北史

王稚字度容魏明帝初除汾州刺史少沈毅木訥寡言有膽勇
善騎射周文聞其名召入軍以功賜爵居庸縣子從禽等悉於

潼關沙苑之戰雅謂所部曰披軍殆有百萬今我不滿萬人常
理論之實難與敵但相公神武以順討逆豈計衆寡大丈夫不
以此時破賊何用生為乃擐甲出戰所向披靡周文壯之又從
戰芒山時大軍失利諸將皆退雅獨拒之敵人見其無繼步騎
競進雅左右奮擊斬九級敵衆稍退雅乃還周文歎曰王雅舉
身悉是膽也

崔巨倫節義 北史

崔巨倫字孝宗幼孤及長歷涉經史有文學武藝魏明帝時叔
指為殷州巨倫仍為長史北道別將在州陷賊斂恤存亡為賊
所義焉榮聞其才名欲用為黃門郎巨倫心惡之至五月五日
會集官寮令巨倫贈詩巨倫乃曰五月五日時天氣已大熱物
欲死牛復喘吐舌以此自悔獲免結死士夜中南走

不濟巨倫曰寧南死一寸豈北死一尺便欺賊曰吾
而討賊火觀救火未燃巨倫手刃賊十餘人賊乃四潰
數區復陰失道唯看佛塔戶而行到洛陽持節別將北討初
之始巨倫收殯倉卒事不周固至是遂偷路改殯并竊家口
以歸莊帝即位除東濮陽太守

李崇捭刃 北史

李崇隋文帝時為幽州總管突厥犯塞崇輒破之突冒契丹等
嘗其威略單來內附後突厥大為侵掠崇率步騎三千拒之轉
戰十餘日師人多死遂保于沙城突厥圍之死亡略盡突厥
之謂曰降者封為特勒崇知不免令其士卒曰吾喪師徒罪
萬死今効命以謝國家看吾死且可降賊方便散走還見至
道此意也乃捭刃突賊復殺二人沒於陣

須陁戰死 北史

須陁性剛烈有勇略隋煬帝大業中為齊郡督務累至然陁討捕大使將兵拒東郡賊翟讓前後三十餘戰每破走之轉榮陽通守時李密說讓取洛口倉遂逼榮陽須陁拒之讓懼而退須陁乘之密先伏數千人邀擊之須陁敗被圍潰輒出左右不能盡出復入救之往來數四衆皆敗乃仰天曰兵敗如此何面見天子乎乃下馬戰死其所部兵晝夜號哭數日不止

敬君弘挺身 唐書

敬君弘高祖時累功歷驃騎將軍封黔昌侯以屯營兵守玄感太子之死左右解散其車騎將軍馮立者有才武戰曰死不共難我無以見士大夫乃與巢王親將謝方等入門殊死闕君弘挺身出或曰事未可判當換兵

下國是以報太子矣遂解兵走君弘等敗秦府兵不振尉遲恭德舉王首示叔方叔方下馬慟亦出奔明日自歸太宗曰義士也

崔光遠膽畧 唐書

崔光遠玄宗時為京兆少尹及帝西狩詔留光遠為京兆尹西京留守採訪使乘輿已出都人亂火左藏大盈庫畢輦財珍至乘輿入宮駭者光遠乃募官攝府縣誰何宮闕斬十數人乃定因偽使其子東見祿山而祿山先署張休為京兆尹由是追狝使光遠故官俄而同羅背賊以廐馬二千出奔賊將孫孝哲安神威招之不得神威憂死官吏徵為是獄囚皆逸光遠以為賊所走命人守神威孝哲等弟斬曳洛河二人孝哲馳白祿山光遠懼

與長安令蘇震出開遠門使人奔呼曰尹巡門門兵器具仗迎
謁至皆斬之募得百餘人遂趨靈武肅宗嘉之權拜御史大夫
復為京兆尹遣到渭北募僑民會賊黨剽涇陽休祠房推牛呼
飲光遠刺知之率兵夜趨其所使百騎殺滿阻其前命驍士合
謀賊醉不能師斬其徒二千得馬千馱浮一酋長以獻自是賊
常避其鋒

張巡破賊 唐書

張巡唐玄宗開元末更調真源令天寶末與反賊令狐潮每戰
輒克於是河南節度使嗣虢王巨也彭城假巡先鋒俄而魯
平陰賊濟陰太守高承義舉郡叛巨引兵東走臨淮賊將揚
宗謀擄李陵絕巡餉路巡外失巨依棧衆保寧陵馬賊三百
三千圍城與火守許遠成父令姚闡等合乃書將

不味朝宗夜夫
戰寧陵斬賊將二十殺萬餘人投下干

李光弼克捷 唐書

李光弼肅宗時為天下兵馬副元帥以河東騎五百馳東都夜
入其軍且謂賊方闕洛當視虎牢帥師東出河上檄召兵馬
用濟用濟憚光弼嚴教諸將逗留其兵用濟單騎入謁光弼
辭之以辛京果代復追都將僕固懷恩懷恩懼先期至會滑
蘇慶使許叔冀戰不利降賊史思明乘勝西嚮光弼數陣徐行
趨東京謂留守韋陟曰賊新勝難與爭鋒欲誑之以計然洛無
見糧危偏難守公計安出陟曰益陝兵公保潼關可以持久光
弼曰兩軍相敵尺寸地必爭今委五百里而守關賊得地勢益
張不如移軍河陽北阻澤潞勝則出敗則守表裏相應賊不

西此後臂勢也夫辨朝廷之禮我不如公論軍旅勝負公不知
我陟不能答判官韋損曰東都乃帝宅公當守之光弼曰汜水
塢嶺盡為賊蹊子能盡守乎遂檄河南縱官吏避賊開無留人
督軍取賊守備思明至偃師光弼悉軍趨河陽身以五百騎
賊游騎至石橋諸將曰並城而北乎當石橋進乎光弼曰當石
橋進甲夜士持炬徐引部曲重堅賊不敢逼已入三城衆二萬
軍饒十日糧與卒伍均少棄甘賊憚光弼未敢犯宮闕頗白晝
相治塹溝築月城以守賊攻光弼與戰中渚西破逆黨斬千級
溺死者甚衆生執五千人初光弼謂李抱玉曰將軍能為
南城二日乎抱玉曰過期何若曰棄之抱玉許諾即於
覆盡明日當降賊喜於兵待期抱玉已繕完即請戰賊
之抱玉出奇兵夾擊俘獲過當賊帥周擊引却光弼自

中渚樹塹據新塹子捨南城攻中渚光弼遣虜非元禮戰
大潰擊收兵復振與安不濟合衆三萬攻北城光弼飲軍入
押望曰彼軍雖銳然方陣而踰不足虞也日中當破乃出
期未決召諸將曰彼彊而可破者亂也今以亂擊亂宜無功
問賊陣何所最堅曰西北隅召郝廷玉曰為我以麾下破之曰
廷玉所將步卒請騎五百與之三百復問其次曰東南隅召
惟貞辭曰蕃將也不知步戰請鐵騎三百與之二百乃出賜
四十分給廷玉等光弼執大旗曰望吾旗麾若緩可觀便宜
三麾至地諸軍畢入生死以之退者斬既而馮堞望廷玉軍不
能前趨左右取其首來廷玉曰馬中矢非卻也乃命易它馬
裨將接矛刺賊洞馬復中數人又有迎賊不戰而卻者光弼召
接矛者賜絹五百匹不戰者斬光弼麾旗三諸軍爭奮賊

敗斬首萬餘級俘八千餘人馬二千軍資器械以億計高祖
徐璜五李秦授惟太清挺身走思明未知猶攻南城光弼驅
倖示之思明大懼築壘以拒官軍始光弼將戰內刀于鞞曰
危事吾位三公不可辱于賊萬有一不捷當自刎以謝天子
是西向拜舞三軍感動太清襲懷州守之

李晟自表 唐書

李晟字良器德宗時為神策先鋒於是朔方李懷光方軍成
不欲晟當一面請與晟合有詔從也乃引趨陳濤斜與懷光
量晟每與賊戰必錦裘繡帽自表指顧障前懷光均見惡之
曰將務持重豈宜自表標為賊餌哉晟曰昔在涇原士頗相
欣敬今見之奪其心爾懷光不悅

譚城固守 唐書

譚城固守 唐書
不詳或疑以弱軍至城曳車塞門焚以戰賊乃解此治攻具矣
石四集如兩晝夜不息凡決日鑿斬圍城城中死者可藉人心
危憐或夜絕出撥蔬本供御帝與城相泣此方據乾陵下賊城
軍覆紅袍左右宦人趨走宴賜拜舞又縱慢辭戲斥天子以為
在景刻使騎環馳責大臣不識天命造雲梁廣數十丈施大
輪濬遠及革胃之周布水囊為韜指城東北構木廬蒙革周置
之運薪土其下將塞陞帝召城授以詔書千餘自御史大夫實
對五百戶而下募突將死士常賊賜賊筆使量功署詔不足則
著衣以授因曰朕與公訣矣令馬承倩往有急可奏城俯伏鳴
咽帝撫而遣之城前與防城使侯仲莊揣雲梁所道掘大隧積
馬矢及薪然之賊乘風推梁以進載數千人王師乘城者皆

錢甲弊兵監賊但以忠義感率使當賊人憂不支群臣號天以禱城中矢自擲去被血而戰愈厲雲梁及墜而陷風返悉焚賊皆死舉城歡譟是日詔授城二子官乃第賞將按此攻城益壯會李懷光奔難賊乃去

賈隱林死戰 唐書

賈隱林為永平兵馬使當入衛屬朱此難率眾扈行在唐德宗見隱林偉其貌問家世答曰故范陽節度副使循臣從父也循應顯果卿為賊所殺帝異之引至殿內以手板畫地陳攻守計即奏曰臣嘗夢日墜以百承之帝曰非朕邪因令糾察行在檢校右散騎常侍封武威郡王賊圍急隱林與僕仲莊胃左右死戰已而解從臣稱慶隱林流涕前曰此已奔群臣大慶宗社之休然陛下資性急不能容俺若不俊雖今賊下

帝不以為忤

李嗣源挾將 五代史

李嗣源相拒于栢鄉梁龍驤軍以赤白馬為兩陣旗幟迥杖臂如馬也晉兵望之皆懼晉王存勗舉鞭以飲李嗣源曰卿望漢赤白馬懼乎雖吾亦怯也嗣源笑曰有其表爾遂日歸五廐也大喜曰卿當以氣吞之因引鍾欽明奮槌馳騎執其白馬挾二裨將而還梁兵敗以功拜代州刺史

胡立門襲賊 金史

胡立門字子秀策論進士也承官翰林待制宣宗時遷知中山府三年改知臨洮府兼本路兵馬都總管叛賊蘭州程德僧等誘夏人入寇圍臨洮凡半月城中兵數千而粟且不支衆皆危之胡立門日為開諭逆順禍福皆自奮因捕其黨欲為內

應者二十人斬之擲首城外賊四面來攻乃夜出襲賊壘夏兵大亂金軍乘之遂大捷夏人遁六

烏古論奮戰 金史

烏古論長壽宣宗與定初遷涼軍節度使夏人攻定西是時弟世顯已降夏人夏人執世顯至定西城下謂長壽曰若不速降即殺汝弟長壽不顧奮戰夏人退加榮祿大夫賜金二十五兩重幣三端世顯既降二子公政重壽當緣坐宣宗嘉長壽忠定西功釋公政兄弟有司稟給之

李萬超拔矢 宋史

李萬超初孤貧負販以養母背高祖起并門萬超應募練軍籍戰累捷稍遷軍校從李守貞討楊光遠於青州奮勇先登飛石中其胸氣不為若久之後哥 兀王開運中從杜重威拒契丹於

咸沈矢貫手萬超拔矢復戰神色自若以功遷肅統衛軍使契丹入中原時萬超以本部屯潞州主帥張從恩將葉城歸契丹會前驍衛將軍王守恩服喪私第從恩即委以後事遁去及契丹使至專領郡務守恩遂無所預萬超奮然謂其部下曰我輩妻餌虎口苟延旦夕之命今汝殺使保其城非止逃生亦足建勲業汝曹能乎衆皆躍然喜曰取不唯命遂率所部大譟入府署殺其使推守恩為帥列狀以聞漢祖從其請仍命史弘肇統兵先度河至潞見萬超語之曰得復此州公之力也吾欲殺守恩以公為帥可乎萬超對曰終契丹使以推守恩蓋為社稷計爾今若賊害於大自取其利非宿心也弘肇大奇之表為先鋒馬步軍都指揮使

蘇緘破賊 宋史

蘇緘字宣甫仁宗時舉進士累遷知書丞知英州懷智高圍
緘曰廣吾都府也且去州近今城危在旦暮而不往救非義也
即募士數千人委印於提點刑獄鮑軻夜行赴難去廣二十里
止營廣人黃師安陷賊中為之謀主緘擒斬其父群不逞並緣
為盜復捕殺六十餘人招其誑誤者六千八百人使復業賊勢
沮將解去緘分兵扼其歸路布隘木豆四十里賊至不得前
乃逸出數舍渡江由連賀而西緘與賊戰摧傷甚衆盡得其所
畧物時諸將皆罷獨緘有功仁宗書換為供備庫副使

李綱奮敵 宋史

李綱字伯紀徽宗時進士第為監御史累至親征行營使平
諸將旦出封丘門與金人戰慕天坡以神臂弓射金人却之賊
平仲竟以襲敵營不克懼誅亡去金使來宰相李邦彥語之曰

用兵乃李綱姚平仲非朝廷意遂罷綱諸將代之太學士
東等詣闕上書明綱無罪軍民不期而集也 數十萬呼聲動地
意不得報至殺傷內侍帝亟召綱綱入見泣拜請死帝亦泣命
綱復為尚書右丞充京城四壁守禦使始命人犯城者蔡懋
不得輒施矢石將士積憤至是綱下令能殺敵者厚賞衆無不
奮躍金人懼稍引却

神師中奮身戰死 宋史

神師中字端孺世衡之孫也徽宗時奉寧軍承宣使為金人所
襲五戰三勝回趨榆次去太原百里而古灑失期不至兵饑甚
敵知之悉眾攻右軍右軍潰而前軍亦奔中獨以麾下死戰
自知至已士卒發神臂弓射退金兵而賞不及皆憤怨散去
所留者纔百人師中身披四創力疾鬪死師中老成持重為將

名將諸軍自是氣奪劉韜言師中聞命即奮不顧身雖古忠臣不過也請加優贈以勸死國者詔贈少師謚曰莊愍

劉晏敗賊戰死立廟 宋史

劉晏字平甫入遼舉進士為尚書郎徽宗宣和四年即衆數百來歸授通直郎金人犯京師以晏總遼東兵號赤心隊高宗建炎初從劉正彥擊淮西賊丁進進黨頗衆安所提赤心騎才八百乃為五色旗使騎兵持之循山而出一已盡則以一色易賊見官軍累日不絕顏色各異遂不戰而奔遷朝散郎劉晏反晏謂其部曲曰吾豈從逆黨者耶以衆即韓世忠世忠遣其彥及苗傅于浦城以晏騎六百為疑兵于浦山之陽賊大敗以所部力戰正彥既擒世忠上其功遷一官金人犯建康世忠兵潰世忠退保江陰晏領赤心百五十騎屯青龍群寇犯常川

郡守請晏為援安以精銳七千人出奇攻之進直龍圖閣保馬跡山以捍寇寇再至晏選舟師迎戰降廿衆千五百人郡人為晏立生祠戚方圍宣城急命晏往援晏至城下未立營壘出不意直搗方帳下方大驚卻走晏欲生致方單騎追之方率其衆迎戰晏不能敵猶于殺數十人為賊所害事聞贈龍圖閣待制官其子四人於死所立廟曰義烈歲時祀之

呂圓遶起戰死 宋史

呂圓嘗為僧後以良家子應募捍欽宗靖康中金人潰澠間李彥仙保三甯圓登歸之功最多為愛將城垂破以兵來援身重創持彥仙泣曰圍久不知公安否今得見公且死無恨創甚方臥聞城陷遽起戰死

李政死敵 宋史